

अंगदेश, काम के लक्ष्मी

सप्रेम भेंट।

३६५५

हरेन्द्र व्यंग्य-वाण

6. XII. 2023

(अंगिका व्यंग्य रचना के संकलन)

संकलनकर्तृ

बुलबुल कुमारी

बुलबुल कुमारी

हरेन्द्र व्यंग्य-वाण

(2)

कृति : हरेन्द्र व्यंग्य वाण
(अंगिका व्यंग्य रचना के संकलन)

संकलनकर्तृ : बुलबुल कुमारी
ग्राम-नारायणपुर
पो0/थाना-सुलतानगंज
(भागलपुर)- 813213

प्रकाशन तिथि : 15 अगस्त 2022 अमृत महोत्सव

सर्वाधिकार : ©

शब्द संयोजन, मुद्रण
व आवरण : मोदी ऑफसेट प्रिंटर्स
आत्माबाजार, पहली मंजिल,
सुलतानगंज (भागलपुर)

प्रकाशक : चन्द्रकांता प्रकाशन

सहयोग राशि : 100/-

HARENDRA BYANGY-VAN
Sankalan kartri Bulbul Kumari

हरेन्द्र व्यंग्य-वाण



समर्पण

बलिदानों के बुनियाद पर टिकलों भारत देश के सुरक्षा लेली समर्पित
आरु संकल्पित सैनिक प्रवर प्राणेश

श्री विभाष कुमार
आर्मी नं०-15412250N
के

समर्पित

जिनी परिवार आरु समाज से बड़ी देश सेवा कें
अपनों जीवन के लक्ष्य बनैलके।

-बुलबुल कुमारी

उद्गार

हमरों पिताजी श्री हीरा प्रसाद हरेन्द्र अगिका आरू हिन्दी के चर्चित कवि—साहित्यकार आरू अखिल भारतीय अगिका साहित्य कला मंच के महामंत्री जिनकों हिन्दी आरू अगिका के ढेर गीत—गजल, कथा—कहानी आकाशवाणी भागलपुर आरू दूरदर्शन पटना से प्रसारित होते रहे छै। दर्जन से पार पुस्तक के प्रणेता, जिनकों हिन्दी—अगिका कविता—गीत—गजल, कहानी, आलेख, समालोचना शताधिक देश—विदेश के पत्रिका आरू अभिनंदन ग्रंथ में छपी चुकलें छै, आरू आधा दर्जन प्रबंध काव्य खासकरी के अंग क्षेत्र में छैलें छै। एक—आध प्रबंध तिलकामाँझी भागलपुर विश्वविद्यालय, भागलपुर के स्नाकोत्तर विभाग के पाठ्य क्रम में भी सामिल छै। विश्व कविता कोष में भी कुछ प्रबंध आरू रचना के स्थान प्राप्त छै।

हममें पिताजी के साहित्यिक प्रभाव से प्रभावित अध्ययन—काल से ही छियै। हमरा खूब याद छै कि हजारों के तादाद में बैठलों लोगों बीच 'कन्ना गुज—गुज कोन कोना' गीत रंगमंच से हममें सुनैने छियै। दू—चार पक्ति तुकबंदी करी के विद्यालय में भी सुनैलों करै छेलियै, अंत्याक्षरी खेल में ई तुकबंदी बड्डी काम आबै। किसान, नवयुवक नाट्य कला परिषद् कटहरा के रंगमंच से कभी खाली लड़की द्वारा नाटक मंचन करलें जाय छेलै, जैमें लड़की के अभिनय लड़की तें करबे करै, लड़का के अभिनय भी लड़की द्वारा ही होय छेलै। वै नाटक में भागीदारी निभैते होलों गीत प्रस्तुत करना भी हमरा खूब अच्छा लागै छेलै। पिताजी 'शीर्षक संगीत' के रूपों में नाटक में भाग लै बाला पात्र के परिचय खुद प्रस्तुत करै छेलै, जे अभियो हमरा कठस्थ छै—

हॉल के अन्दर बिना टिकट कोई आना नहीं,

ड्रामा देखने, ड्रामा देखने।

ओ मेरे भाई! ओ मेरी बहिना!

कोण्टर पर जाना और टिकट कटाना। हॉल.....

'जीवन मूल्य' ड्रामा आज दिखाना है।

लेखक बी.एन. 'सत्यम' जाना—माना है।

हरेन्द्र व्यंग्य—वाण

मणिशेखर का रॉल साधना करती है
दारोगा के वेश में अंजु उतरती है।

ऐ मेरे भाई। ...

प्रेमलता ऋषिमोहन बनकर आती है।

प्रीतिलता सकोनी रूप सुहाती है।

अमित अमन अनुपमा रूप बनाती है।

साधु सुमन, निशांत पुनीता भाती है।

ऐ मेरे भाई!....

स्वीटी सुधि और साक्षी नूतन रहती है।

अर्चना अकित बनकर सब कहती है।

अप्पी, जूही, पुलिस का रौब जमाती है।

व्यूटी रिकार्डिंग डान्स और बुलबुल आती है।

ऐ मेरे भाई !....

पिताजी द्वारा आयोजित गामों के कवि सम्मेलन में प्रायः श्रोता के रूपों में रहै के मौका मिलै छेलै। एक बार बगल के गाँव उधाडीह में राज्य स्तरीय सर्वभाषा सदभावना काव्योत्सव के आयोजन छेलै। जहिनों कि पिताजी बताय छेलै, वै काव्योत्सव में बहत्तर कवि भाग लेने छेलै। आकाशवाणी भागलपुर के डायरेक्टर माननीय शिव मंगल सिंह मानव, श्रीमती सांत्वना साह उर्फ चम्पा बहिन श्री विजय कुमार मिश्र उर्फ बिरजू भाय आरू श्री कुसुमाकर दूबे सिनी आमंत्रित छेलै। पुल निर्माण के क्रम में मुख्य मार्ग वाधित होला के कारण उक्त महानुभाव के गाड़ी कटहरा होतें होलें मासुमगंज के राह उधाडीह जाना छेलै। हमरों सौभाग्य कहियै उनकों सबके अगुआनी आरू मार्गदर्शन के भार पिता जी पर ही छेलै। यही कारण सबके हमरों घरों पर आबै के आरू हमरा सेवा करै के अवसर प्राप्त होय गेलै। हमरों सेवा या स्वभाव के कारण कहों, चम्पा बहिन उधाडीह के रंगमंच से भी कविता में हमरा नामों के चर्चा करलकै। लौटे बेर भी हुनी सब फेनू हमरा घरें ऐलै, चाय—पानी पीवी कें गेलै। सड़कों पर पचासो आदमी रेडियो से सुनलका नामों के व्यक्ति के दर्शन लेली उताबला छेलै। सबके मुँहों से बरबस निकलै रहै कि आय तें हीरा बाबू के घर आकाशवाणियें उतरी गेलों

छै। कुछ लोग जवाब में कहै—हीरा बाबू तें यहें कमैन्हें छै।

पिता जी के देखा देखी आरू चम्पा बहिन के उसकैला पर एगो छोटों टा कविता अंग माधुरी कें छपै लेली चकोर बाबा के पास भेजी देलियै। चकोर बाबा अंगमाधुरी में कविता छापी अंगमाधुरी में छपै वाला रचनाकार के शृंखला कें तें बड़ों करबे करलकै मतर हमरा मनो कें जे बड़ों करलकै अभियो ताँय याद छै। पत्रिका में छपलें जीवन के पहिलें कविता लिखने बिना नें रहलें जाय छै—

मैया हमरों जान छेकें, मैया हमरों जान छेकें,
जीवन के पहिचान छेकें, अंधकारो दूर भगाबै वाला
तों दिनमान छेकें॥

जीयै के पाठ पढ़ने छें, दुनिया के ज्ञान करैने छें,
जीवन रक्षण खातिर तोहीं, अमृत रंग दूध पिलैने छें।
गीता औ कुरान तोहीं छें, बाइविल पुरान तोहीं छें,
तोर से बदलें के जग में, ग्रंथों के बखान तोहीं छें।

तों हमरों अरमान छेकें, तों हमरों वरदान छेकें,
बाल्मीकि रामायण बोलै, तों मैया गुनखान छेकें।

बच्चा कें खुश करै लेली खुद गैतें रहना हमरा अच्छा लागै छै।

रागो के नानी आबी कें, रागो कें समझाबें तों।

रागो कें फुसलाबै वाला, लोक—गीत सुनाबें तों॥

अहिनों पक्ति लिखी—लिखी उद्गारों कें बड़ा करना आबें ठीक नें छै। कवि सम्मेलन में पिताजी कें स्टैण्ड बाला माइक ढेर पसंद आवै छै। हाथों में किताब—काँपी या डायरी कभियो नें देखै छियै। खुला दोनों हाथ भाव के अभिव्यक्ति में लगाना इनका अच्छा लागै छै। बात—बात पर ताली के गड़गडाहट सब दिन इनका प्रोत्साहित करतें रहलें छै। हममें कवि सम्मेलन में महसूस करलियै कि इनका द्वारा प्रस्तुत कविता प्राप्त करै लें श्रोता उतावला होय जाय छै, मगर इनका जिम्मा लिखलें तें रहबै नें करै छै। लोगों के ई सोच से प्रभावित होय कें हममें इनकों कुछ संकलनों में, कुछ पत्र—पत्रिका में, कुछ डायरी में लिखलें कविता कें जमा करी एक नया संकलन निकालै के मनसूबा बनैलियै। इनकों कविता तें प्रकाशित—अप्रकाशित हिन्दी आरू

अंगिका के ढेरी छै, मगर हममें खाली अंगिका के व्यंग्यात्मक कविता के खोजी-खोजी पाण्डुलिपि तैयार करलियै आरू 'हरेन्द्र व्यंग्य वाण' के रूपों में प्रकाशित कराय, अंगिका प्रेमी के हाथों में थम्हाय, अंगभूमि के गरदा में लोटी-लोटी पलै, बढ़ै, पढ़ै आरू जीवन यापन करै के कर्ज से माथों के कुछ हलका करै के प्रयास करलियै। प्रयास तें यहो छै कि पिताजी के व्यक्तित्व आरू कृतित्व के यही बहाना एक-दू पीढ़ी आगू लें जइयै। प्रायासिक सफलता के मापदण्ड तें पाठक के जिम्मा छै। अन्त में जीवन साथी श्री विभाष कुमार के प्रति आभार प्रकट नै करना अनुचित होतै जिनको आर्थिक सहयोग से ही पुस्तक के प्रकाशन संभव हुबे पारलै।

एक सैनिक के सम्पूर्ण पारिवारिक दायित्व के निभैतें होलों कुछ लिखतें रहै के भाव हृदय में समैलों रहै छै। चीनी के आतंकें मन के झकझोरी के कुछ कलम से निकलवैलकै। ऊ हिन्दी के कुछ पक्ति कहाँ, केना, कहिया प्रकाश में ऐतै कि डायरी के शोभा ही बढ़तै, ई सोची के ऐझें आभारित जीवन के यहाँ समर्पित करै छियै-

हे प्राणेश विभाष जी ! भारत माँ के लाल।

फौजी बनकर के किया, उन्नत माँ का भाल॥

रक्षा करने देश की, धार लिये हो अस्त्र।

आतंकी मँडरा रहा, यत्र-तत्र-सर्वत्र॥

बलिदानी बुनियाद पर, टिका हुआ है देश।

चीनी-पाकिस्तानियो, उसे दे रहे क्लेश॥

सबक सिखाने दुष्ट को, दो मुँहतोड़ जवाब।

भारत से टकराने का, मिट जायेगा ख्वाव॥

-बुलबुल कुमारी

पटेल कॉलोनी, पानी टंकी रोड,

सुलतानगंज, भागलपुर-813213

मो०-8294624146

'हरेन्द्र' व्यंग्य-वाण
अनुक्रमणिका

	पृष्ठ
1. संकलन कर्तृ का उद्गार	03
2. अनुक्रम	07
3. माय भगवती	09
4. चिल्का से गरतरे भारी	11
5. महात्मा गाँधी	13
6. भावना	15
7. वर्ग आठ शिक्षक-दो-एक	16
8. गेहूँ के वितरण झगड़ा के घोर	18
9. ऐलों छे कहिनो वसन्त बहार	19
10. सब्जे लागै छे उमतेलों	21
11. लाचारी	26
12. गिरावट	27
13. बात कहाँ तक सच्चा छे	29
14. गरीबी मिटाना	31
15. बुड़बक के धौन	33
16. सोनिया करै सवाल	33
17. अलबत्ते छे	34
18. उडियैलै सम्यता	34
19. के छे इंसान अखनी	35
20. कहिनें लोर बहाबै छे	36
21. कोय काहू मगन	37
22. कामों से होथो पहचान	37
23. आकाशों में दीप जलैबै	38
24. के करते तक सार तोरा से	38
25. रस्ता में काँटों गाड़ै छे	39
26. की बतैय्हों हाल सबके	40
27. बढ़लों उत्पात छे	40

28. साँपों छुछुनरी वाला हाल	41
29. जों तों चाहों	43
30. वोट	44
31. जेकरा खातिर करे छी चोरी	45
32. धोखां	46
33. क्षणभंगुरता	47
34. चुनाव	48
35. चौपदी	49
36. उखड़ी में मूड़ी	51
37. गीत-लोरी	54
38. दमकल देखी लेलौं	55
39. बापों के टीक नैं	57
40. जहिनों गलती हममें करलौं	59
41. ऊ जीना की छेकें जीना	60
42. खोटा कें होल्हैं	61
43. मुत्तक	62
44. आत्महत्या	63
45. मंत्री जी	64
46. पाकिस्तानी छे लतकुच्चों	65
47. नारी	66
48. चिन्ता	67
49. अंगिका लें मरथैं छी	68
50. सदा हसैलौं श्रोता कें	69
51. हितैषी पर भरोसा	69
52. प्रकृति गीत	70
53. परिचय	71



॥ माय भगवती ॥

हे माय भगवती हमरा

भक्ति के वरदान दें !

अनीति-अन्याय आरू

आसुरी माया,

हेकरो मकड़जाल देखि

कल्पै छै काया।

मोह-पाश काटै वाला

शक्ति के वरदान दें।

अस्त्र-शस्त्र धारी मैया,
सिंह के सवारी,
सबके त्राण देल्लें
महिषासुर मारी।

शरण पड़ल छी मैया
हमरा ऊपर ध्यान दें।
बायाँ सरस्वती शोभों
लक्ष्मी तोरों दहिना।

जगत् के कल्याण करों
मिली तीनों बहिना।
हरदम गुणगान करों
वोहिनें जुवान दें।
हे माय भगवती हमरा
भक्ति के वरदान दें।



॥ चिल्का सें गरतर छै भारी ॥

इंगलिस स्कूल के बलिहारी।
चिल्का सें गरतर छै भारी।

स्कूलो जैते देखों लड़का।
ओकरा जिमा थैला बड़का।
जै में किताब-कापी भरलें।
टीफिन के बक्सा छों धरलें।
पानी लेली बड़का बोतल।
पीठी पर छों लदलों टोटल।
दंग रही जा देखी बस्ता।
चलना मुश्किल लागै रस्ता।
बोझों सें दबलों छों बच्चा।
उमरो छै एकदमहै बच्चा।
लागै जेना माल-सवारी।
चिल्का सें गरतर छै भारी।

चार बजे भोरे सब जागी,
माय जलाबै चुल्हा आगी।
नास्ता-पानी रोज बनाबै।
बच्चा के भोरे नहबाबै।
बच्चा कलपी-कलपी कानै।
बिन नहबैनें कौनें मानै।
आगू में देनें छों नास्ता।
माय सजाबै तबतक बस्ता।
छौते बच्चा आनी-बानी।
देर लगावै जानी-जानी।

के सुनै ओकरोँ लाचारी।
चिल्का सें गरतर छै भारी॥

अक्षर गिनती घरे सिखाबोँ।
फैशन ऊपर खूब चढ़ाबोँ।
अनपढ़ माँ हों, बाप कमाऊँ।
जो पढ़लोँ छौँ काम चलाऊँ।
नामांकन में अड़चन तखनी।
अन्तर्वीक्षा होथोँ जखनी।
गरीब—गरूआ हारी बैठोँ।
चिन्ता में मन मारी बैठोँ।
माय पढ़लकी, बाप पढ़लका।
इंगलिस पढ़तै उनके लड़का।
मुखोँ केँ तें देथोँ टारी।
चिल्का सें गरतर छै भारी॥

स्कूल सें जब बच्चा आबै।
आंगन दुकथै गीत सुनाबै।
गोड ब्लेस मम्मी ओ पप्पा।
सुनथै माय फुली केँ कुप्पा।
डैरी देखी रोज पढ़ाबोँ।
टास्को पूरे याद कराबोँ।
ठोकी ठोकी ठोस बनाबोँ।
स्कूली के तो नाम बढ़ाबोँ।
खोल छहूँ पैसा के सारा।
पैसा बिना कहाँ छोँ चारा।
पैसा बिन बैठोँ मनमारी।
चिल्का सें गरतर छै भारी॥

◆◆◆

॥ महात्मा गाँधी ॥

हे अवतारी पुरुष महात्मा गाँधी फेनूँ आबोँ।
भटकी गेल्हों भारतवासी रस्ता कोय सुझाबोँ॥
आबादी के बोझों सें, ई भारत परेशान छोँ।
सम्प्रदाय के पीछू पागल, हिन्दू—मुसलमान छोँ।
भूली गेल्हों सत्य—अहिंसा, सगरे मारा—मारी।
बात—बात पर मरै—मिटै के, लागै छोँ तैयारी।
सब्भै केरोँ द्वेष—भावना, केन्हों जरा मिटाबोँ।
भटकी गेल्हों भारतवासी, रस्ता कोय सुझाबोँ॥
आतंकवादी लागै छहूँ, अंग्रेजों के बापे।
फेकै छहूँ गोला—बारूद, चोरों रं चुपचापे।
तोरा नजरोँ सें ऊ छिपलोँ, नहियेँ होथोँ बाबा
तोरा खातिर दूर कहाँ छोँ, काशी आरू काबा
कैसेँ मिटतै आतंकबाद, नुस्खा कोय बतावोँ।
भटकी गेल्हों भारतवासी, रस्ता कोय सुझावोँ।
पदलोलुपता लिखलोँ सब्भे, नेतागण के भालेँ।
दशा—देश के बदतर होलै, ओकरे सब कुचालेँ
देश—भक्ति के भाव कहाँ छै, अखनी ककरो अंदर।
मौन साधनेँ, देखोँ टुकटुक, तोरोँ तीनों बंदर।
देश तरक्की केना करतै, समुचित ज्ञान सिखाबोँ।
भटकी गेल्हों भारतवासी, रस्ता कोय सुझाबोँ।

अंग्रेज भगैल्हो सहिये तों, अंग्रेजी नें भागै।
देशी सें सब चीज विदेशी, घर-घर अच्छा लागै।
पेप्सी, कोकाकोला छोड़ी, लस्सी कहाँ सुहाबै।
मिनरल वाटर अखनी सबके, खूबे मान बढ़ावै।
देशी चीजों के मर्यादा, केन्हों करी बचाबों।
भटकी गेल्हों भारतवासी, रस्ता कोय सुझाबों।

जातिवाद के दलदल बीचें, लोग यहाँ छों फसलों।
निकलै के कोशिश में गेल्हों, गहराई में धसलों।
पहिनें छेल्हों चार वर्ण तें, आबें हेल्हों ढेरी।
भोट-भाट के समय मारथों, जात-पात सब घेरी।
जातिवाद के ई दलदल, कोशिश करी सुखाबों।
भटकी गेल्हों भारतवासी, रस्ता कोय सुझाबों।

कश्मीरो छों महासमस्या, देशों आगू धरलों।
खूब कहै छों देश पड़ोसी, बातो जरलों-जरलों।
दोस्ती केरों नेतागण छों, अभियो हाथ बढ़ैनें।
सत्य-अहिंसा तोरों वाला, लाघों शीश चढ़ैनें॥
साँपे सदा उगलतै जहरे, कतनों दूध पिलाबों।
भटकी गेल्हों भारतवासी, रस्ता कोय सुझाबों।

कार्यालय में लटकै सगरे, तोरों बड़का फोटो।
तोरा साक्षी राखी-राखी, लूटै छों सब नोटो।
खादी कुर्ता, खादी बण्डी, पीन्हीं खादी धोती।
तोरों सभ्भे करलों-धरलों, दैं छों लीपी-पोती।
ओकरो बुद्धि पलटै लेली, कोनों चाल चलाबों।
भटकी गेल्हों भारतवासी, रस्ता कोय सुझाबों।



॥भावना॥

चाँद हसै छै या कानै छै,
इ कोइये थोड़े जानै छै।
अपनों दुख-सुख साथें सभ्भै,
चान्दों कें ऐन्हें सानै छै।

धरती के परिकरमा करना,
नै ककर्हों देखिकें जरना।
भला-बुरा के भेदे छोड़ी,
विपदा सभ्भै जन के हरना।

परोपकारी ई दुनिया में,
ऊँच-नीच नै, पहचानै छै।
चाँद हसै छै या कानै छै,
इ कोइये थोड़े जानै छै।

विरह-आग में जे जरलों छै,
चिन्ता में बेशी गललों छै।
लाख खाक छानै छै तइयो,
नहियें कुछ संकट टरलों छै।

अपने दुख सें दुखी चाँद कें,
लोर चुबैतें वें मानै छै।
चाँद हसै छै या कानै छै,
इ कोइये थोड़े जानै छै।



वर्ग आठ शिक्षक दो—एक

हे बिहार सरकार लगाबों,
शिक्षा पर कुछ बुद्धि—विवेक
वर्ग आठ शिक्षक दो—एक।

केना बढ़तै प्रारंभिक शिक्षा
एकखे कमरा में पच—पच कक्षा
आपनों घर—द्वार स्वर्ग बनाबों
मौका छों बढ़िया लाभ उठाबों।
विद्यालय के छों गड़बड़ हाल
तोरों शासनो के यहें कमाल
नामांकन हम्में खूब करै छी
बच्चा बोलाबें गाँव घुरै छी
गामो से बच्चा आबै ढेरी
एकखें सबके राखै छी घेरी
तोरों बेबस्था अहिनों तगड़ा
बच्चा बैठै लें करथो जगड़ा
बच्चा लें पीयै लें पानी
प्राथमिक स्कूल के अजब कहानी
मिलथो नें एक्को अभिलेख।
वर्ग आठ शिक्षक दो—एक॥

देखाँ सबभैं बेबस्था तोरों
नें सपरै छों तें गद्दी छोड़ों
बिन मतलब वाला काम करै छों
कहाँ सुधारों के दम्म भरे छों
पंचायत हमरा पर बोझल्हें

सतबै के कुछ युक्ति खेजल्हें।
आबें भला की बच्चा पढ़ैबों
मुखिया सेवा में समय बितैबों
बिगड़ी जाय भले सब्भे बच्चा
वहें करों तोरा जे—जे अच्छा
हम्हों तें करै छी स्वास्थ्य परीक्षण
चुनाबो कराबै के लौं शिक्षण
बकरी—बोटू भी हम्हीं गिनै छी
जनगणना में कप्पाड़ धुनै छी।
हमरा माथे बोझ अनेक।
वर्ग आठ शिक्षक दो—एक।

◆◆◆

ऐलों छै कहिनो बसन्त बहार।
 फूलों के अखनी भूलहौ नै पाबों
 झूठ-मूठ के कोन गीत गाबों।
 कहां देखै छी चंपा-चमेली
 कहां करै छै भौरा अठखेली।
 सुनै छी कखनूँ कोयल के तान
 वसंतों के खाली यहें पहचान।
 कलियो-तितलियो गेलों छै दूर
 कड़कड़िया धूपों सेँ मौन छै चूर
 छोड़लक भौरा करना गुंजार।
 ऐलों छै कहिनो बसन्त बहार।
 ग्रंथ बहुत्ते लिखनें-पढ़नें छी
 कवितो हम्मे बहुत्ते गढ़ने छी
 शुरू सेँ गेलों वसन्तों के गीत
 सब्भे लगै बनैलों छै रीत।
 परंपरा छै निभावै के बात
 केना कहिये आबें दिनों के रात
 नीरों-क्षीरों के हंस विवेकी
 ई मान्यता देभो केना फेकी।
 चलों जेना चलै छै संसार।
 ऐलों छै कहिनो बसन्त बहार॥



सब्भे लागै छै उमतैलों

सब्भे लागै छै उमतैलों
 पूजा करों धूम समैलों॥
 देहों सेँ जे हट्टा-कट्टा,
 हाथों में बाँसों के फट्टा
 लेने बीच सड़क पर ठाढ़ों
 चन्दा लेली अइडी गाड़ों।
 गाड़ी रोकै रसीद काटों
 आनाकानी करथै डाँटों
 जेरो राखी बइडी तगड़ा
 बात-बात में करतै झगड़ा।
 मार-पीट या धक्का-मुक्की
 डरलों बोलै छै सब झुक्की
 धोस जमाना 'फैशन मानै'
 फट्टा इन्सान्हों पर तानै।
 वीणा पाणि चुप्पी साधी
 देखै सब्भै के बरबादी
 मुँह सेँ निकलै छूछे गारी
 पूजा के पहिलों तैयारी।
 ककरो नै राखै समझैलों
 पूजा करों धूम समैलों।

चाहे कुछ होना नै होना
लौडीस्पीकर कोना-कोना
बजतै खाली भद्दा गाना
नाचै लँगड़ा लूलहा काना।

मुरती भसौन जहिया करतै
बोतल लानी पहिन्है धरतै
कुछ्छू पीबी कें गुड़भंगा
नाचै में फाड़ै छै अंगा।

पीवी लैछै दारू-ताड़ी
खूब तिरंगा झाड़ै फाड़ी
गैसों से हरदम बतियाबै
जे मन आबै गाना गाबै।

बच्चा नाचै कमर हिलाबै
माय-बाप देखी मुस्काबै
ई बयार पछिया कै छेकै
लोकलाज पानी में फेकै।

चलन नया छेकै ई ऐलों
पूजा करों धूम समैलों।

मरै माय तें शोक मनाबों
सबके आगू लोर बहाबों
दुर्गा-काली झूठे मैया
नाच करै छों ता-ता थैया।

तोहे हस्सों मैया कानै
हस्सें वाला कें पहचानै
तोरा आबी समय सिखैथों
माथा पर के भूत भगैथों।

तोरो मझधारों में नैया
हर्ष मनैथों तखानी मैया
सोछो कहिनो लगथों तोरा
जेना माथा पर अंगोरा।

बदलों चलन करों कुछ अच्छा
सम्हरी जैथों घर के बच्चा
मैया धन-बल-विद्या देथों
सबके रोग बलैया लेथों।

बड़का के कुछ करों बतैलों
पूजा करों धूम समैलों।

॥ लाचारी ॥

पहिनें रहै धर्मात्मा ढेरी
पापी छेलै बस दू-चार।
आसान रहै भगवान्हौं के,
तारै या कि करै संहार।

आबें अधर्मी या कुकर्मी
धरती पर नित बढ़लें जाय।
अन्यायी के बाढ़ो देखी,
ईश्वर—अल्ला डरलें जाय।

धरम के हानि होतें देखी,
लै छेलै तहिया अवतार।
दुष्ट दलन करी धरती पर के,
करै रहै कुछ हल्का भार।

मगर अखनकों दशा निहारी,
भगवान्हौं के फूलै दम्म।
सोचै अखनी सब एक्के रं
ककरा कर्ते करबै कम्म।

हे ईश्वर जन संख्या देखी,
बढ़ले जाय रहल छों ढेर।
परिवार नियोजन करतै कम,
लेकिन बड़ी लगतै देर।

आपनें अस्त्र तोंय चलाभो,
तभिये तें होतै कल्याण।
शेष नाग घबड़ाबै पूरा,
उनखौ ऊपर राखी ध्यान।

◆◆◆

॥ गिरावट ॥

सतयुग भर सब सत्ते छेलै,
त्रेता आर्षो भेलै।
द्वारपर में कोना भर बचलै,
कलयुग सम्भे गेलै।

नंगा नाच सदा कलयुग में,
धर्म ग्रंथ बतलाबै।
क्रम विकास के उलटा—पुलटा
जरा समझ नैं आबै।

विकासशील सब इ दुनिया में,
आगू बढ़े छै लोग।
कहीं गिरावट मिलै अगर तें,
हाव छेकै संयोग।

लाठी—भाला सें आगू बम,
गोली—गद्दा ऐलै।
अनु—परमाणु एहिनों धातक,
दुनिया भर छिरियैलै।

बापें दादा टैरी कौटन,
नामों सुननें छेलै।
बेटा—पोता पीन्हीं—पीन्हीं,
गरदा—धूलें खेलै।

अखनी देखों कहिनों फैशन,
 बढ़ले जाय छै रोज।
 एक पर एक रंग-बिरंगा,
 होले जाय छै खोज।
 पहिनें सें अन्याय धरा पर,
 कर्में देखभें भाय।
 धर्म-ग्रंथ के पन्ना-पन्ना,
 देखों तोंय उल्टाय ॥
 नाकें कानें, हड़िया-घैलें,
 आरू आगिन पानी।
 सबसें बच्चा जन्में छेलै,
 बड़ी विचित्र कहानी।
 अनहोनी ऊ बात सुधरलै,
 अखनी हमरा आगू।
 सब विकास के बाते छेकै,
 हास कहाँ छै लागू।
 कलयुग सम युग नहीं दूसरा,
 तुलसी बाबा गाबै।
 सतयुग सें कलयुग छै गिरलें,
 बात समझ नै आबै।

◆◆◆

॥ बात कहाँ तक सच्चा छै ॥

जब धर्म-ग्रंथ उलटाबै छी
 खूब पढ़ै छी, गाबै छी।
 सतयुग, त्रेता, द्वापर सें भी,
 कलियुग बढ़लें पाबै छी।
 मिलौन करी देखी लहों सब,
 कलियुग खाली अच्छा छै।
 की कहियो सब पढ़लें-लिखलें,
 बात कहाँ तक सच्चा छै।
 मन में जे आभौं बात गढ़ों,
 पर माथा पर दोष मढ़ों।
 जनम-जनम तक साथ निभाबें,
 पुनर्जन्म के बात पढ़ों।
 ऊ जनमों में जे रहै पोता,
 ई जन्मों में चच्चा छै।
 की कहियो सब पढ़लें-लिखलें,
 बात कहाँ तक सच्चा छै।
 परी स्वर्ग सें उतरी आबें,
 भू पर बें रास रचाबें।
 नामी-नामी ऋषि-मुनि गणकें,
 मनमाना खूब नचाबें।
 अँगुली ऊपर नाचै वाला,
 केना बहभो बच्चा छै।

की कहियों सब पढ़लों—लिखलों,
 बात कहाँ तक सच्चा छै।
 पहुँचलै तुलसी जब ससुराल,
 लटकै रहै एगो व्याल।
 करै प्यार अंधा, नै सूझै,
 रस्सी छेकै याकि काल।
 वहिनो के करने भगवाने,
 ऐलौं स्वयं सुरक्षा छै।
 की कहियों सब पढ़लों लिखलों,
 बात कहाँ तक सच्चा छै।
 मोहन बंशी तान सुनावै,
 राधा मन—मन मुस्कावै।
 सखियन सब के मन बहलावै,
 रास रचइया कहलावै।
 चढ़ी कदम के डाली खेलै,
 कृष्ण दोल—दोलिच्चा छै।
 की कहियों सब बढलों लिखलों,
 बात कहाँ तक सच्चा छै।

◆◆◆

॥ गरीबी मिटाबो ॥

गरीबी मिटाना अगर छो असंभव,
 तें मारी गरीबो के संभव बनाबो।
 गरीबे नै रहतै, न रहतै गरीबी,
 यही ना सफल योजना झट बनाबो।
 हिफाजत से कुर्सी हिफाजत से गद्दी,
 हिफाजत से सत्ता पर सिक्का जमाबो।
 रहो बरकरारे इ शासन व्यवस्था,
 हमेशा यही रंग चक्की चलाबो।
 भरो घोर पूरा रहो नै अधूरा,
 जमाना मुताबिक खजाना सजाबो।
 सहोदर, सखा संग धोखा—फरेबी,
 सदा जिन्दगी के उसूले बनावो।
 कभी दल बदल के, कभी हाथ मलके
 कभी नाक रगड़ो कभी गिड़गिड़ाबो।
 कभी कोन जनता के की की जरूरत,
 लगे कुछ पता जाल सगरे खिड़ाबो।
 जहाँ कोय आंगू बढै छो समाजे,
 तें धीची लें टंगरी के नीचे गिराबो।
 अगर जोरदारे लगे छो पड़ोसी,
 तें डाँटो—डपाटो, डराबो—धिराबो।
 तहलका की बोफोर्स गड़बड़ घुटाला,
 कि धंधा—कुधंधा से छाती जुड़ाबो।
 विदेशी से कर्जा जहाँ देश माँगे,
 बनी जा निमोछा, ई मोछे मुडाबो।

दशा—दुर्दशा देश के आज देखी,
यथाशीघ्र आतंकवादी मिटाबों।
पड़ोसी अगर युद्ध पर छै उतारू,
सबक ओकरा एक बढ़िया लिखाबों।

अगर नाटके सिर्फ मनसा बनै छों,
तें सीमा से सैनिक कें जल्दी हटाबों।
जहाँ नाटके खेलना छों वहाँ पर,
नैं निर्दोष प्राणी कें बिल्कुल सताबों।

यहू से अगर शांति नैं छों दिमागें,
तें लाहोर—दिल्ली फनूँ बस चलाबों।
मनोकामना पूर्ण खातिर बिजय के,
निकालों जुलूस रंगरेली मनाबों।

कभी बाबरी मस्जिदों के समस्या,
कभी राम मंदिर कें मुद्दा बनाबों।
विदेशी अगर कंपनी देश आभों,
तें लूटै लें रस्ता डगर सब बताबों।

स्वदेशी समानों कें नाली में डाली,
विदेशी समानों कें माथा चढ़ाबों।
पहिलकों करलका विसारी दिलों से,
इ जनता—जनार्दन कें पेप्सी पिलाबों।

यही माघ जाड़ा अगर पार होल्हों,
फिकिर तब तें छोड़ी कें मौजे मनाबों।

अगर एक मौका कभी, हाथ ऐल्हों,
बतैभों तभी तेल कतनों लगावों।

◆◆◆

हरेन्द्र व्यंग्य—वाण

।बुड़बक के धौन।।

नौकरी में घूसो दू लाख देलौं।
बिहार पुलिस केरों नौकरी पैलौं॥
बैच आरू वर्दी पहिनें देलकों।
कागजों पर योगदान करबैलकों॥

बेतन, भत्ता तबें मिल्लै लगलौं।
बेरोजगारी भी सिर से भागलौं।
ठाम्हें ऐल्हों वहाँ करबैया चेक।
तब खूब खिल्लैलिहों आमलेट, केक॥

खाय—खाय कें खूब बड़ाय करलखों।
ऑफिस जाय कागज तब भेजैलखों॥
कागज में लिखलखों तबें हमरों छटनी।
बुड़बक के धौन होशियारों के चटनी॥

◆◆◆

॥ सोनिया करै सवाल ॥

देशी—विदेशी के बात पर, सोनिया करै सवाल।
विदेशी सभ्यता के सगरे, दिखै छै मक्कड़ जाल।

कोकाकोला, पेप्सी आरू, थम्सोअप के आदी,
छूछे शान बघारै सभ्भैं, पीन्हीं कें बस खादी।

विदेशी ऋणों से ही अखनी, भारत देश आवाद।
भाला विदेशी औरत केना, करी देतै बरबाद।

हमरा नामें उगलै अखनी, नेता सभ्भे आगे।
जबकि सबके चेहरा ऊपर, लखौं विदेशी दागे॥

◆◆◆

हरेन्द्र व्यंग्य—वाण

॥अलबत्ते छै॥

नीमी गाछ करेला—चढ़लै, अलबत्ते छै।
 खाजो तें कोढ़ै में बढ़लै, अलबत्तै छै।
 लूटी—पाटी खूब भरै छेलै घर अपनो
 अब ताजो उनके सिर पड़लै, अलबत्तै छै।
 लबबो नीचो के दुखदाई सब्भें जानै,
 कोय कहाँ ई बातें अड़लै, अलबत्ते छै।
 जौनें—जौनें रस्ता—पैड़ा फेकै काँटों,
 काँटों ते उनके पग गड़लै, अलबत्ते छै।
 एक्के आम सड़लका नैं फेकै के कारण,
 आमे पूरा डलिया सड़लै, अलबत्ते छै।
 छेलै कहिनो लोभ समैलों भीतर 'हीरा'
 साजिस सें कुर्सी लें लड़लै, अलबत्तै छै।

॥उड़ियैलै सभ्यता॥

उड़ियैलै सभ्यता पछिया बयारों में।
 संस्कृति के नाव छै पड़लें मझधारों में।
 धरमों के देश ई देखी कें कल्पै छै,
 जकरा विश्वास छै ईश्वर अवतारों में।
 हेरैनें जाय छी हाव सबठो जकरा सें,
 भारत के नाम छै सोसें संसारों में।
 भूनें छै भाईहै भैया कें गोली सें,
 देखलियै बात ई छपलें अखबारों में।
 मुश्किल सें भागलै देशों सें अंग्रेजे,
 फैलैनें टाँग छै फेनूँ बाजारों में।
 केना सुख—शाति पैतै लोगें 'हीरा'
 काटै दिन—रात छै सब्भें तकरारों में।



॥के छै इन्सान अखनी॥

के कहै छै हममें छी इन्सान अखनी।
 जनन देखो हुनें छै हैवान अखनी।
 के लफंगा, के निहंगा, भीख मंगा,
 छै कठिन करना सही पहचान अखनी।
 जेकरा घर आय, भुंजी भाँग नै छै,
 वें बघारै खूब छुछे शान अखनी।
 ऑफिसर बर्दी बिना आबै नजर छै,
 पीन्हनें बर्दी चलै शैतान अखनी।
 बाघ—भैंसा बीच छिड़लें छै लड़ाई,
 झाड़ी—पाती के सागर नीनान अखनी।
 अपहरण सरकार आगू छै समस्या,
 पर जरा नैं पटपटाबै कान अखनी।
 देश खातिर जे गमैलकै जान उनको,
 रास अधूरे छै सकल अरमान अखनी।
 राष्ट्र निर्माता, विधाता दूर 'हीरा'
 बेविचारी के हुवै सम्मान अखनी।



। कहिनें लोर बहाबै छों।।

अपने गीत सुनाबै छों।

हमरा की समझाबै छों।

करनी—धरनी खाको नैं
छूछे गाल बजाबै छों।

कहलौं नैं ककरो राखी,

करला पर पछताबै छों।

दारू—ताड़ी पीबी कें,
गैसों सें बतियाबै छों

घरनी जो कुच्छू बोल्हों,

उलटे धोंस जमाबै छों।

दू ठो पैसा फाँड़ा जो,
दूधों रंड, उधियाबै छों।

ई गल्ली सें ऊ गल्ली,

झूठे तों छुछुआबै छों।

है हाथों के करलौं सब,
हौ हाथों सें पाबै छों।

'हीरा' के कहलौं राखों,

कहिनें लोर बहाबै छों।

◆◆◆

॥ कोय काहू मगन ॥

कोय काहू मगन, कोय काहू मगन ककरा कहियै।

आय सबके लगै छोंन शीलें हरण ककरा कहियै।

सब महीना गुजारै छियै कष्ट सें जैसें—तैसें,
सौन ऐथें लगै आग तन—मन वदन ककरा कहियै।

पाक केरों इरादा बुरा छै सही जानी—जानी,
देशवाला सुधारै नैं अपनों चलन ककरा कहियै।

देश केरों दशा आय बद्तर लगै नेता चलतें,

बागवाँ ही उजाड़ै यहाँ पर चमन ककरा कहियै।

पश्चिमी सभ्यता के प्रभावेँ करै सबकेँ पागल,

रोज देशी चलन के करै सब हवन ककरा कहियै।

बात बाजीव बोलै कहाँ कोय छै कखनूँ 'हीरा'

ठोर सीलौं करै शांत चिन्तन—मनन ककरा कहियै।

◆◆◆

॥ कामों सें होथों पहचान ॥

कामों सें होथों पहचान सगरे।

छूछे बातों सें नीनान सगरे।

उपकारी सूरज, पानी, हवा के,

धरती पर देखौं गुणगान सगरे।

कथनीं सें करनी जो मिन होथों,

गिलथों सब्भै सें अपमान सगरे।

जनता के सेवा में मन लगाबों,

सब्भै में होथों सम्मान सगरे।

अधेरा मन सें 'हीरा' हटाबों,

जाम्हेँ भेटेथों भगवान सगरे।

◆◆◆

॥ आकाशों में दीप जलैबै तों की कहभो ॥

आकाशों में दीप जलैबै तों की कहभो !

सुतलों बिरनी जाय जगैबै तों की कहभो !

करनी के फल सब्भैं भोगे के नैं जानै,

तइयो जब उत्पात मचैबै तों की कहभो।

सरकारें अंग्रेजी कें जब शान बुझै छै,

बच्चा कें अंग्रेज बनैबै तों की कहभो !

ऊपर सें नीचें तक सब्भे घुसखोरे छै,

ककरा दुखड़ा जय सुनैबै तों की कहभो!

दू-चारे सौ देला सें सब अफसर घामै,

घरहैं बैठी मौज मनैबैं तों की करभो!

मुखिया जी के दसखत सें दरमाहा मिलतै,

आगू ऐथैं शीश झुकैबै तों की कहभो !

अध्यक्षो-सचिव जमाबै धोंस यहाँ 'हीरा',

उनका कहिनों पाठ पढ़ैबै तों की करभो ।

◆◆◆

॥ के करतै तकरार तोरा सें ॥

के करतै तकरार तोरा सें,

कौनैं पैतै पार तोरा सें।

भस्मासुर के नीति अपनैल्हें,

आतकित सरकार तोरा सें।

नेता-मंत्री बात भूली जा,

परहेजै सरकार तोरा सें।

करनें जा अपकार खूबे तों,

नैं होथों उपकार तोरा सें।

खनदानों के नाम मेटइहों,

हमरा की दरकार तोरा सें।

नित नत्मस्तक होय कें 'हीरा',

मानै छी हम हार तोरा सें।

◆◆◆

॥ रस्ता में काँटों गाड़ै छों ॥

रस्ता में काँटों गाड़ै छों।

खनदानों सबकें तारै छों।

काम अनर्गल करियो कें,

ककरा सें कहियो हारै छों।

मातु-पिता कें ईश्वर मानों,

लाती सें कहिनें टारै छों।

सत्कार अतिथि के छोड़ी कें,

बाथैं-बाथैं दुत्कारै छों।

कैसें मान-प्रतिष्ठा होथों,

हरदम्में चुगली लारै छों।

लफा केरों नाश करैभो,

रामों कें तों ललकारै छों।

पढ़ला-लिखला सें की 'हीरा',

गोबर में घी जब ढारै छों।

◆◆◆

॥ की बतैय्हों हाल सबके ॥

की बतैय्हों आय हममें हाल सबके।

सच बिगड़ल्लो छै यहाँ पर चाल सबके।

धर्म के आड़ें बहुत धर्माविलम्बी,

खूब लूटै छै अनूठा माल सबके।

पादरी, पण्डित, पुजारी घोर कामी,

काम आबै छै परन्तु गाल सबके।

ढोल पर कुछ बोल मुश्किल छै बजाना,

खूब चुत्तड़ पर बजै छै ताल सबके।

गौखुरा चोटी बढैनें मूँछ—दाढ़ी,

चन्दनों—टीका बनै छै ढाल सबके।

दोष नै झलकै कभी ताकतबरो के,

बस गलै कमजोरका पर दाल सबके।

आचरण अपनों बनाबो नीक 'हीरा'

एकदिन लेथो खबर गोपाल सबके।

॥ बढ़ल्लो उत्पात छै ॥

खून सें लथपथ हमेशा हाथ छै।

ओकरो अखनी अलग ही बात छै।

जब सबल के साथ देना नीति ते,

दुर्बल्लो के साथ अब नै नाथ छै।

जब गरीबी देह तोड़ी देलकै,

नै नजर आबै दिवा या रात छै।

दूटल्लो जकरो मड़इया आय भी,
ओकरा लेली सदा बरसात छै।

ऊँच—नीचों के करिश्मा छै अलग,
एकरा सें भिन्न भी इक जात छै।

जिन्दगी भर दै परीक्षा जानकी,
ठीक मर्यादा समैल्लो बात छै।

नर्क धरती के सदा बूझो भले,
स्वर्ग में भी कम कहाँ संताप छै।

सिक्ख, हिन्दू या कि मुस्लिम जे कहो,
सब करै बस घात पर प्रतिघात छै।

छै गिराबट आय 'हीरा' हर जगह,
सिर्फ बढ़ल्लो एक ठो उत्पात छै।

◆◆◆

॥ साँपों—छुछुनरी वाला हाल ॥

हमरा घरे ब्याहै लें बेटी।

राखल्लो कीनी बक्सा—पेटी।

जकरा घरे बेटा जवान,

ओकरो देखो अलगे शान।

खोजौं सौसे जाय इलाका।

सब्भै माँगै पूरा टाका।

बीस हजार बीघा छों डाक।

तबे ते बजथो तुतरू ढाक।

चपरासी के माँग छौं लाख।
ओकरा आगू जैभें खाक।
माँग रेडियो आरू टी.बी.।
नोटों लें थैला छौं सीबी।

कहाँ पैबों हेतें सामान।
घुरी—फिरी बैठे छी झमान।
करौ दम नैं, छोड़तें मलाल।
साँपों—छुछुनरी बाला हाल।

अगुआ के तों बात न बोलों।
उनका लग बाते जब खोलों।
भरी दहों उनको तों थैला।
नापी अन पाँच—दस पैला।
रुपया—पैसा घरे दहो
बात जे कहथों सभ्भे सहो।

तबें वे कोय जूत लगैथों।
झूठ—साँच सब बात बनैथों।

अगर उनको बात नैं मानों,
अपनों जीदूद जहाँ तों ठानों,
गड़लों बात देथों उखाड़ी।
बनलों काम देथों बिगाड़ी।

करै में बनै नैं छोड़े में।
बड़ी कठिन रिश्ता जोड़े में।
येन्हें बीतथों कतना साल।
साँपों छुछुनरी बाला हाल।

दहेज—दानव मुँह छै बैनें।
बें मानतै बिना कुछ खैनें।
शिक्षा जतना आगू बढ़लै।
पूरा ऊपर मांगो चढ़लै।

सोचों बेटी कें दौं पढ़ाय।
स्कूल में देलौं नाम लिखाय।
ध्यान धरी पढ़ेलों—लिखैलों।
मेहनत से काविल बनैलों।

पढ़ली बेटी पढ़लों जमाय।
जों नैं होतै होतै हँसाय।
पढ़लों खोजै में भटकै छी।
सुनथें माँग चाँग हटकै छी।

मूर्ख रहती मूर्ख सें करताँ।
खोजै में हेतें नैं मरतों।
पढ़ाय पीछू व्यर्थ पैमाल।
साँप—छुछुनरी बाला हाल।

♦♦♦

॥ जों तों चाहों ॥

जों तों चाहों बिना इलाजे,
सबटा रोग भगाबें
जों तों चाहों बिना कामेनें,
धन—संपत घर आबें

बिन काविल, बिन घूसें चाहों
नौकरी कोय पाबें
रूसलों प्रेमी संगें चाहों,
जों तों रास रचाबें

यदि तों चाहों छूमंतर में
जीतें केश—मुकदमा
जों चाहै छों घड़ी—पलक में
मेटाबें सब सदमा

भाग्य भरोसे बनी निकम्मा
बैठी ध्यान लगाबों
जंतर—मंतर जादू—टोना
सम्भे तों अपनाबों

तांत्रिक लग तों जैथें रगड़ों
अपनो पूरा नाको
ग्रह काटी सब काम बनैथों
खुलथोंन तोरों आँखों।

◆◆◆
॥ वोट ॥

वोट गिराबें गेलाँ जखनी
दू—दू हीरो ऐलों तखनी
कहलक तोरों गिरल्लों बोट
सुनथें हमरा बड़्डी कचोट।

देखों कहाँ बन्दूक धारी
वें की देतै सब कें मारी
यही खेत के बोहो मूली
रहतै सबसे मीली—जूली।

हाय प्रजातंत्र ऐलै कोन
करै वहेँ जेकरों जे मोन
वोटों केरों कहाँ अधिकार
कहिनों होतै हाय सरकार।

यहें छेलै बापू के ख्वाब
लूट—पाट करी बनें नवाव
अखनी कटतियै उनकों नाक
भल्हें मुनलकै तहिये आँख।

आबी गेलै यहूँ घोटाला
जपै कर्मचारी सब माला
काम छोड़ी वोट गिरायलें
फनूँ ऐबै देतों खायलें।

◆◆◆
॥ जेकरा खातिर करै छी चोरी ॥

गरजी—गरजी बोलले जाय छों झूठे एतना शोर।
जेकरा खातिर करै छी चोरी, वोहीं कहै छों चोर॥

रत्नावली के साथें, ब्याह, जब तुलसी के होलै।
प्यार—मुहब्बत केरों दरिया, बीचें दोनों हेलै।

एक पल नैं नजरों सें दूर, रत्नावली कें राखै।
जीवन के कडुआहट सम्भे, मीटो करी कें चाखै।

जखनी रत्नावली के भाय, तुलसी के घर ऐलै,
मिललै—जुललै हँसी—खुशी सें, खूबे मन हरसैलै।

झट सारों के स्वागत लेली, तुलसी बाहर गेलै,
हिनें दोनों भैया—बहिनी, अद्भुत खेला खेलै।

सुन्हें में दोनों चली देलक, बापों—माय के घोर।
बूँदा—बूँदी सौसें रस्ता, बरसथें रहलै झोर।

मिठाइयों के दोना लेनें, तुलसी ऐलै जखनी,
सूना-सूना घर देखी कें, मन पगलैलै तखनी।

दिल में रत्नावली बसैनें, ठाम्हें वोही राती,
चललै तब ससुराल कहीं नैं, झलकै दीया-बाती।

भादों केरों कादों सगरे, आड़-गेंड नैं सूझै।
नद्दी-नाला, उच्चों-लीयों, थोड़े तुलसी बूझै।

नदी-बीच में मुर्दा छेलै, समझी गेलै लकड़ी।
जैसैं-तैसैं पार उतरलै, मुर्दे पकड़ी-पकड़ी।

साँप लटकलें बूझी रस्सी, पकड़ी कोठा चढ़लै।
रत्नावली नजर सें देखै, भारी पक्कड़ पड़लै।

भेलै आग बबूला रत्ना, नैं कुछ बढ़िया बोलै।
तीक्खों बोली सुनतें-सुनतें, तुलसी जी मुँह खोलै।

तोरा लेली चोरी-चुपके, पग जोखिम में डाली।
ऐलों छी कहिनें उगलै छों, इ रंग जहरे खाली।

मोह त्यागनें चलै छी हम्हें, देखलाबों नैं लोर।
जेकरा खातिर करै छी चोरी, वोहीं कहै छों चोर॥

◆◆◆

॥ धोखा ॥

हमरा देशें फूट-फूटंगर, देखै दुनिया वाला।
नब्ज टटोलै कखनूँ छाती, ऊपर राखै आला।

अपन्हें में देखै नेता कें, करतें मारा मारी।
पास-पड़ोसी सोचै मन-मन, अबरी लेबै सुतारी।

कोनों गामें कहियो-कहियो, उठथों हुल्लों-सुच्चों।
ध्यान धरी कें देखी लीहो, नाचें दुट्ठों-बुच्चों।

ओहिनें छै इ पाकिस्तानी, भेजै छै घुसपैठी।
तोड़ी देबै मारी-मारी, सब्भै ठो के ऐठी॥

बाँट-चीट हिस्सा-बखरा जब, घर में होतै जखनी,
तू-तू-में-में हुज्जत-हाज्जत, होबे करतै तखनी।

केकरा घरें झगड़ा-झाँटी, कहियो कहुँ नैं होतै।
फेनूँ सब्भे एकखै साथें, हँसते, गैतै, रोतै॥

रगड़ा-झगड़ा होतै तइयो, एक्के सब्भे रहबै।
सब दुश्मन के दिल दहलैबे, कभी धाव नैं सहबै॥

हिन्दुस्तानी सदा एक छै, रहें भले कोय जात।
समझी-बूझी ठानें लोगों, फेनूँ यहाँ उत्पात॥

◆◆◆

॥क्षणभंगुरता॥

आकाशों के छाती पर जब, बादल मँडराबै छै।
बादशाह सें कम की कहियो, अपनां कें पाबै छै॥
मगर हिमालय सें टकरैथैं, तितर-बितर होला पर,
अपनों देह-दशा देखी कें, अपन्हें पछताबै छै॥

फूल खिलै छै रंग-बिरंगा, तखनी इठलाबै छै।
तितली चूमै गाल, भाल पर भौरा मँडराबै छै।
संध्या में सब छोड़ी भागै, देखी कें नैं लौटै,
जखनी ओकरों लाल पँखुड़ी, सब्भे मुझाबै छै।

जौनें जकरा प्यार करै छै, मन कें बहलाबै छै।
जकरा सें मिलथैं जीवन के, गम कें बिसराबै छै।
ढलथों उग्र ओकरों जेन्हें, देखी जन भौरा रड्,
दर्शन दैलें फेनूँ लौटी, आगू नैं आबै छै।

ओस कणों के देखों घासों पर जब इठलाबै छै
दुभड़ी पर मोती के दाना, अहिनों मुस्काबै छै।
मगर सूर्य के आगू ऐथैं, खेल व्यर्थ सब लागै,
नियति—नटी के चाल अनोखा, सबके भरमाबै छै।

संसारे पूरा क्षण भंगुर, गीतों में गाबै छै।
तइयो लोग जुल्म के चक्की, कहिनें चलबाबै छै।
प्रेम—मोह मिथ्या परिवारे, सपना माल—खजाना,
क्षणभंगुरता नाची—नाची, सबके समझाबै छै।



॥ चुनाव ॥

नशा चुनावों के जब चढ़लै, बहकी गेलै भैरो।
तितकी सें जब आग पसरलै, लहकी गेलै भैरो॥
शिक्षक करों कामों सें नैं, उनका कुछ संतोषे।
मान—प्रतिष्ठा बचबै करों, नैं उनका कुछ होशे॥
त्याग—पत्र भेजी कार्यालय, मुखिया पद लें बौला।
नैं सूझै दिन—रात जरा सा, भारी आरू हौला॥
हुवै नौमनेशन तहिया सें, खुललै रहलै होटल।
बाँटें लगलै चौराहा पर, दारू करों बोतल॥

खर्चा—बर्चा खूब करलकै, बिकलै कट्ठा डण्टा।
मुँहों सें नैं छूटलै कखनूँ, कोका कोला—फण्टा॥

ठीक समय पर वोटों करों, गिनती होलै जखनी।
सबसे नीचें नाम सुनै जब, माथों ठनकै तखनी॥

हारों के परिणाम सुनलकै, होलै हक्का—बक्का।
बेटा ई पागलपन देखी, मारें लगलै धक्का॥

हाथ नौकरी सें भी धोलक, कर्जा होलै पूरा।
चौबे छब्बू नहियें बनलै, रहलै ख्वाब अधूरा॥

नैं कोनों गिनती के जैसें, टुटलों पौवा खाटों के।
जैसें धोबी करों कुत्ता, नैं घर के, नैं घाटों के॥



॥ चौपदी ॥

लुच्चा—लफंगा के छै बोलवाला।
डरें लागै छै सब्भै मुँहें ताला।
हेकरों की मानें यहे रड् रहतै,
जीतै कहियो नैं कलमों सें भाला।

सत्यानुरागी, धरमों के पुजारी,
रहतै कुच्छू दिनाँ भल्ले दुखारी।
आखिरी विजय सच्चाई के होतै,
जकरा आगू दुनिया जैतै हारी।

देखी समय—साल रस्ता जे चलतै,
सही विचारों के साँचा में ढलतै,
दुर्दिन कहाँ सें ऐतै पास उनकों,
बादल विपत्ति के माथा सें टलतै।

हरवक्त सबसें मिलै छै जे सादर,
ओढ़ै छै जे ईमानों के चादर,
करना भलाई बनैनें छै आदत,
उनके करै छै सदा सब्भैं आदर।

डींग नैं हाँकों, नबाबी नैं छाँटों।
तोहें दुखी जन के तकलीफ बाँटों।
ऐठी जे चलतै, सदा हाथ मलतै,
राह में मिलतै सदा काँटे—काँटों।

अनीति करतै, अन्यायी पछतैतै।
वहें शाति पैतै, जौनें गम खैतै।
करम भूमि छिकै यहें धरती भैया,
यै हाथें करतै, वै हाथें पैतै।

कौरव—पाण्डव बीचें युद्धों भारी।
दुर्योधन के रक्षा में गंधारी।
ऐलै मगर होय गेलै बेकारे,
चलहौ नैं देलकै एक्को मुरारी।

अभिमानी रावण, कंसासुर केसी,
मचाबै उत्पात दुनिया में बेशी।
सत्ता कहाँ ओकरो कायम रहलै,
गिरलै तुरन्ते मुँहों भाटें ठेसी।

न्यायी के नाव तुफानों में चलतै।
सत्तों के सूरज नैं कहियो ढलतै।
ककरो कहाँ से भला कैसें होतै,
जौनें कि दिन—रात लोगों के छलतै।

स्वर्ग—नरक के छोन झूट्टे कहानी,
ऊ से डरतै आबें थोड़े प्राणी।

सच्चाई बखानों यही धरती पर,
करम फल भोगै इन्साँ या गुमानी।
सही देश भारत उगलै छै सोना।
हीरा—मोती बाँटे भर—भर दोना।
झलकै छै सगरे बहारे—बहारे,
धन धान्यों से भरलें कोना—कोना।

हिन्द जीतै के सिकंदर यूनानी,
लेलकै जहिया अपनां मनें ठानी।
अभिमान ढहलै भारत भूमि ऐथें,
पढ़नें—सुननें छहो सब्भे कहानी।

◆◆◆

।उखड़ी में मूड़ी।

सत्य—अहिंसा, धरम त्यागलों, मिथ्या कें अपनैलों।
लोक—लाज बड़का—बड़का के, सब्भे टा बिसरैलों।
बिन मतलब के झूठ बात में, झूठे कसमो खैलों।
झगड़ा—झंझट या निन्दा में, बेशी समय गमैलों।

सब्भैं करनी के फल भोगै छै, हम्हूँ तें जानै छी।
ककरो समझैलों नैं राखौं, हठ अहिनों ठानै छी।
पछतैला से लाभ कहाँ छै, जहिनों करलों भरबों।
उखड़ी में मूड़ी देने छी, चोटों से की डरबों।

मारिच जब समझाबै रावण, होलै आग बबूला।
पंडित बनभें एक्खै लाती, फाँकें लगभें धूला।
कहै छियों जे बात यही में, छोन तोरो कल्याण।
उलटा—पुलटा पाठ पढ़ैभें, यही ठाँ जैधों प्राण।

बक्सर वाला मारो मारिच, करी याद घबड़ाबै।
 रावण के हाथों से मरना, अनुचित यहाँ लखाबै।
 निश्चित आजे मरन चलौं तब, राम वाण से मरबौं।
 उखड़ी में मूड़ी देने छी, चोटें कत्ते डरबौं।

कहै मन्दोदरी लंकेश्वर ! हठ नैं अहिनों ठानौं
 रामचन्द्र परमेश्वर छेकै, तौं बातों कें मानौं।
 खरदूषण त्रिसरा सब गेले क्षण में तहूँ मानौं
 जानी-बूझी प्राणनाथ तौं, कुइयाँ अब नैं खानौं।

मन्दोदरी निरा अज्ञानी, बोलै तब लंकेशो।
 हाय दूत के बनवासी कें, जे भेझों सदेशो।
 ईश्वर छेकै बड़डी बढ़िया, हाथ ओकरे तरबौं।
 उखड़ी में मूड़ी देने छी, चोटों से की डरबौं।
 स्कूल कहियो महीना-खाँड़ें, घूमलों हम जाय छी।
 गौवाँ कुछछु-कुछछू बोलै, सुनी कें गम खाय छी।
 छोटों-मोटो ऑफिसरों कें, थोड़े जी लगाय छी।
 बड़का करौं पारी ऐल्हों, दें लें कें मनाय छी।

साथी-संगत सब्भे कहथों, पड़भें तौं फेरा में।
 जहिया ऐभें ऊपर वाला, अफसर के घेरा में।
 देखी लेबै विद्यालय में, दिन भर कत्ते सड़बौं।
 उखड़ी में मूड़ी देने छी, चोटें कत्ते डरबौं।

अंग्रेजियत कहाँ भागै छै, अंग्रेजो जब गेलों।
 बेशी छै सामान विदेशी, बढ़िया हमरा लेलें।
 कोलगेट, मंजन, साबुन लें, पीयों कोकाकोला।
 घड़ी, रेडियो चीज विदेशी, लागै छै अलवेला।

शान, गुमान विदेशी चीजे, देखों जरा विचारी।

लोगें कहै गुलामी ऐथों, जकरों ई तैयारी।
 ठीक देखलों आजादी कें, गुलामिये में मरबौं।
 उखड़ी में मूड़ी देने छी, चोटें कत्ते डरबौं।

चुनावों करौं मौसम ऐथों, घूमौं गाँव मुहल्ला।
 हमरा देख मचाबै सब्भें, जनता खूबे हल्ला।
 कोय कहै सब्भे छौ लुच्चा, जीती कें जब जैतै।
 खोज-खबर लैलें देहातो, घूमी कें की ऐलै।

कोय-कोय पूरा गरियाबै, कोय भेजी दै चाय।
 पार्टी वाला अगुआ-पिछुआ, देशों खूब दोहाय
 जीती जैभों, सब्भे देभों, वादा करी टुघरबौं।
 उखड़ी में मूड़ी देने छी, चोटें कत्ते डरबौं।

पढ़ै-लिखै के आय जमाना, आबी गेलै भारी।
 परीक्षार्थी परीक्षा खातिर, करै खूब तैयारी।
 खर्चा-बर्चा हमरो गार्जन, करै पढ़ै में ढेरी।
 लेकिन जुआ-पचीसीवाला हमरा मारै घेरी।

तासों करौं अड्डा जमकै, देखै जे-जे लोगें।
 कहै कहाँ तौं पढ़बे तोरा, दाबौ बड़का रोगें।
 ठीकके सब्भे पासे करतै, फेल तें हम्हूँ करबौं।
 उखड़ी में मूड़ी देने छी, चोटें कत्ते डरबौं।

हड़तालें में खूब लड़ै छी, सब्भे सरकारों से।
 सही माँग में कत्ते केना, डरतै तकरारों से।
 ससपेण्ड-डिसचार्ज के धमकी, सुनै छी कत्ते भाय।
 अहिनों गीदड़ भवकी से की, जैतै कोय घबड़ाय।

डटबै माँगों पर नैं हटबै, जे करतै सरकारें।
 वादा खिलाफी उ की कहतै, भला लाज के मारें।

सरकारें जे करतै—करतै, हमरा जे छै करबों।

उखड़ी में मूड़ी देने छी, चोटें कत्तें डरबों।

छठी रात जे लिखै विद्याता, हाव के मेटनहार।

कत्तो नाक रगड़तै सब्भैं, होतै जे होनहार।

सच्चा ई छै जब दुनियामें, हाय—तौबा बेकार।

बिना कमैले भेटी जैथों, जे लिखलें छहुँ लिलार।

हाथ—हाथ पर राखी बैठें, पेट कहाँ से भरतौ।

समझाबै लोगें अन्नो लें, पेटो भूखें जरतौ।

जकरा जे कहना छै कहतै, ककरो रस्ता धरबों।

उखड़ी में मूड़ी देने छी, चोटें कत्ते डरबों।



॥ गीत—लोरी ॥

गीत—लोरी गाबै छी

नूनु के सुनाबै छी

तोता—मैना बोली—बोली

ठोकी के सुताबै छी।

काम छै पसरलें

लीपा—पोती धरलें

भनसा के बरतन

चुल्ही गेलाँ धरलें।

नुनुआँ के कारन तनी

फुरसत नैं पाबै छी।

नूनु केरोँ मामा

पीन्हीं केँ पाजामा।

मेला घूमै गेलै

रसीटपुर सुदामा

अइतै लेनें खेलौना

क्को घरबा नैं पाबै छी।

तारापुर हटिया

बेचें जैबै पठिया

नुनुआ लें कीनी लेबै

हाथें—गोड़े मठिया

नूनु के बहाना हन्हूँ

सपना सजाबै छी

गीत—लोरी गाबैछी।



॥ दमकल देखी लेलौं ॥

ई जिनगी के कोन भरोसों कहिया चललें जैतै।

माया में ओझरैलका सबकेँ कैसें के समझैतै।

अर्जन करतें जीवन जैतै शौक बूततै कहिया।

बिछौना अगर बिछैथें बीतै रात, सूततै कहिया।

हमरा नैं अच्छा लागै छों, अहिनों दुनियादारी।

पेटों में नैं खइहों दीहो गोबर में घी ढारी।

होना छै जे होबें करतै, किनलाँ फट—फट गाड़ी।

किनलाँ एक बारगी ढेरी कनियैनी लें साड़ी।

जन्नें जैतै रोज बदलतै रंग—बिरंगा साड़ी।

हन्हूँ घूमों जन्नें—तन्नें हुर—हुर करनें गाड़ी।

ई फैशन में बिकबे करतै जाल—जमीनों जग्घों।

नैं राखबै समझैलें ककरोँ छीयै तें एकबग्घों।

दुख—तकलीफो माथा नाचै ककरा कर्ते झेलौं।
 जरलै घोर तें जरबे करतै दमकल देखी लैलौं।
 भुखलौं—दुखलौं पेट सुखलौं भीतर धसलहों आँख।
 बैसाखौ जब तितले रहथौ कहिया सुखथौ पाँख।
 बेटा—नेटा काम की देखौं देखथौं जबकि चन्दा।
 हम्हूँ देखनें ऐलौं छीयै, ई सब गोरख धन्धा।
 जीता जिनगी मौज करिलेँ वाजीब छै ई बात।
 धन—संपत सब धरले रहथौ कोय न जैथौ साथ।
 खाली हाथेँ ऐलौं छीयै खाली हाथेँ जैबै।
 धरती के सभ्मे सुख छोड़ी झूठे नैं पछतैबै।
 देश—दुनिया के भ्रमण करिकेँ लागै मन बहलाबौं।
 हरदम खर्चा के तंगी सेँ जरा चैन नैं पाबौं।
 कट्ठा—डण्टा बेची—खोची गेलौं तब कलकत्ता।
 देखलौं हाबड़ा पुलो बनलौं, जे सचमुच अलबत्ता।
 दिल्ली—बम्बई खूब घूमलौं कोन जगह नैं गेलौं।
 जरलै घोर तें जरबे करलै दमकल देखी लैलौं।
 खैतैं—पीते कोय मरै छै, कोय मरै खाहीलौं।
 कतनों नाक रगड़तै सबकेँ एकदिन छै जाही लें।
 के देखने छै ऊ लोकौं में कोन समस्या बीतै।
 जकरा खातिर ई लोकौं में जैसेँ—तैसेँ जीतै।
 जो कपूत छौं की धन संचय ई सभ्मै जानै छो।
 जो सपूत छौं की धन संचय यो हो सब जानै छो।
 देनें छै जैनें मुँह देतै वोहीं यहाँ अधारौं।

हम्हूँ तोय आकाशौं केँ सिर लेनें छौं बेकारो।
 पेटे काटी धन अर्जन सेँ नैं होबौं धनवाला।
 खैतेँ—पीतेँ मौज—मनैतेँ लागै छी मतवाला।
 लोग जरै छै तें जरथेँ छै, हमरौं आपनों मोन।
 हमरा से नैं पार लगै छै, जोगी राखबौ धोन।
 स्वर्ग धरा पर लानै खातिर कोन बेलना बेलौं।
 जरलै घोर तें जरबे करलै दमकल देखी लैलौं।

♦♦♦

॥ बापों केँ टीक नैं ॥

सच्चा मानौं तोय हमरौं कहलका।
 बाते नैं राखथौं बेटा पढ़लका।
 चलै सड़क पेँ हरदम सीना—तानी
 सबसेँ झगड़ा करथौं जानी—जानी।
 बापेँ पीन्है छोन धोती फटलका।
 मैया के अंगिया पेनें सटलका।
 बापों रंग देखौं कोय नैं सोझौं।
 माथा पर परिवारौं के बोझौं।
 घरबा के कामों में हरदम फसलौं।
 ओनबिन आँख—कान लगै छै धसलौं।
 कहलौं नैं जैथौं बेटा के शेखी।
 रस्ता चलै देहवा देखी—देखी।
 जुल्फी में फूल फुलै जेना गोठौं
 बापों के टीक नैं बेटा केँ झोठौं।
 चस्का सिनेमा के बेटा केँ भारी

घूमैलें जैथों सब्भे काम टारी।
 ही-ही हा-हा में सौंसे दिनबीतै।
 भाग्य फटलका तें बाहें नैं सीतै।
 कौनें की कहतै जरियो नैं गम छौं
 मुँहों पें बोलै के ककरा दम छौं।
 देखै में लगै नवाबों के नाती।
 झूमी कें चलथौं जैसें की हाथी।
 मैया बोलै जखनी कानी-कानी
 बेटा कें आँखी में तनियों नैं पानी।
 गोस्सा सें बापें जखनी मुँह खोलै।
 चढ़ी कें माथा बेटा बात बोलै।
 बापें कहै कि तकदीरे छौं छोटों
 बापो के टीक नैं पूता कें झोटों।
 बापें सोचै दुख होतों बीरानों
 बेटा घरों में अब होलें सीयानों
 पीठी पर बेटा, जूती सें कमैतों
 कहूँ भूखें प्यासें कथी लें चमैतों
 बादल बिपत्ति के माथा सें टलतै
 नोन-तेल घरों में बढ़िया सें चलतै
 मगर बेटा झाड़ै फाड़ी तिरंगा।
 सड़कों पर खुल्लै करै नाच नंगा।
 खाय-खाय भांग पीयै रोज ताड़ी।
 बापों कें नैं रोज मिलै खेसाड़ी।
 बापों सें उलटा चलै चाल मोटों
 बापों के टीक नैं पूता कें झोटों।



॥ जहिनों गलती हममें करलौं ॥

हरदम तोरा बुझाबै छियौ, भैया बात सुनें नैं डर।
 जहिनों गलती हममें करलौं वोहिनों गलती तों नैं कर॥
 हमरा बापें कहै पढ़ी ले काम-काज कुछ करिहें तों।
 जुआ-पचीसी खेली-खेली धन-संपत नैं हरिहें तों।
 नैं राखलें कहलौं बापों के झूठे बाप करै चर-चर।

जहिनों गलती....

हमरा रस्ता पर नैं देखी चिंता बापों के बढ़लै।
 जल्दी बीहा-शादी करियै भूते माथा पर चढ़लै।
 बात मनो के होतें देखी कथिलें करतौ चर-चर-चर

जहिनों गलती....

चौदह बरस जखनिये होलै होलै तें हमरों सादी।
 चार महीना में ही गौना शुरु होलै तब बरबादी।
 पाँच साल में छौं ठो बुतरू कोय कंधा कोय काँखी तर

जहिनों गलती...

तेल-फुलेल जुटाना मुशिकल बुतरू कलटै दूधो लें।
 कर्जा जकरो माँगी लानों ऊ तें बौला सूदो लें॥
 सूद कहाँ सें देबै हममें असलो आफत माथा पर।

जहिनों गलती....

ऐना टिकली पाउडर लेली खिच-खिच रोजे होथें छै।
जों टैठों कुछ बोली बोलौं हाथ लोर सें धोथें छै।
ओठों के मुस्कान बिलैलै आँखी में आँसू झर-झर
जहिनों गलती....

महँगी के आलम देखै छी बड़का ठो परिवारे छै।
छों बुतरू दू जीव आठ के नव फसल मझधारे छै।
जिनगी पहाड़ अहिनों लागै, बोझों सें काँपौ थर-थर।
जहिनों गलती हम्में करलौं वहिनें गलती तों नैं कर॥

◆◆◆

॥ ऊ जीना की छेकै जीना॥

जीना, केन्हौ कें भी जीना,
ऊ जीना की छेकै जीना।

फूल बाग में जे नैं खिललै।
भौरा सें नैं आँखे मिललै।
तितली वै पर नैं मँडरैलै।
नैं ककरो देखी इतरैलै।
गंध-सुगंध नदारत छेलै।
आँसू के दरिया में हेलै।
जनम व्यर्थ ईश्वर के देलौं।
केन्हौ जीवन नैया ठेलौं।
हीन भाव मन रहै समैलौं।
भौरा तितली सें सकुचैलौं।
चुपके घुटघुट आँसू पीना।
ऊ जीना की छेकै जीना।

जरा शांति नैं परिवारों में।
रहना मुश्किल घर-द्वारों में।
हरहर-कचकच हरदिन होतै।

हाथ रोज आँसू सें धोतै।
गारी-बात नसीब हमेशा।
हुज्जत कें मानी लै पेशा।
नैं करना कुछ काम-कबारू।
कोय मस्त पीबी कें दारू।
दिये धान मुँह फूटें लाबा।
घर सें भागौ काशी-काबा।
मक्का चाहें बसौं मदीना।
ऊ जीना की छेकै जीना।

◆◆◆

।खोटा कें होल्हों॥

दुनिया देखैलें कहिया तों गेल्हैं।
की देखी-देखी पागल तों भेल्हैं।
दू पैसा होलौं जोगी कें राखें,
लागै छौ जेना झूठे उमतैल्हैं।
बीकी जैबें अभियो कौड़ी के भाव।
खोटा कें तनियें टा पानी हेलाव।

रावण-कंसासुर जग में के रहलै।
जकरा सें देवी-देवा भी दहलै।
बड़का-बड़का गुमानी कें देखलौं,
सब्भै के गुमान क्षणभर में ढहलै।
आगिन नैं उगलें नैं हमरा धमकाव।
खोटा कें तनियें टा पानी हेलाव।

जब तेसरो प्रयास करलकै, पुल के रेलिंग लाँघ,
 गहरो नदी में मारै छै, बड्डी जोर छलाँग।
 ई बारी भी सयोगो से, पानी ही कम छेलै।
 फेरू बचला केरो कारण, पूरा ही गम भेलै॥
 चौथो वार जहर पीबी के, चाहै जान गमाना।
 मगर जहर में रहै मिलावट, नैं तैं जहर पुराना।
 बचियै गेलै ई बारी भी, देखो खेल—तमाशा।
 ढेर जियै लें चाहै बाला, के नैं अखनी आशा॥

◆◆◆

॥ मंत्री जी ॥

सुलतानगंज स्टेशन पर जब
 उतरै मंत्री एक।
 कुच्छू नैं देखै छै बजतें,
 लौडीस्पीकर डेक॥
 मंत्रीजी के हालत होलै,
 देखो तैं बेढंग।
 स्वागतकर्ता एक्को नैं छै,
 जानी रहलै दंग॥
 मंत्री जी के पारा चढ़लै,
 सौ डिग्री से पार।
 आग बबूला होलो मारै,
 कस्सी के फुफकार।
 अमचा—चमचा ऐलो छेलै,
 जे—जे उनका संग।
 मोबाइल देखी के बोलै,
 मंत्री मंडल भंग॥

सुनथैं पारा नीचें गिरलै,
 नाड़ी होलै सुस्त।
 पाजामा ढीला होलै जे,
 रहै अभी तक चुस्त॥
 काटो तैं खूने नैं देहै,
 मंत्री जी के हाल।
 आबे नारद बाबा नाँकी,
 बजबो तों करताल॥

◆◆◆

॥ पाकिस्तानी छै लतकुच्चो ॥

पाकिस्तानों के सीमा पर उठलै हुल्लो—हुच्चो।
 सचमुच सभ्मे पाकिस्तानी लागै छै लतकुच्चो॥
 धोखावाजी से आबी के, भारत के कनबैले।
 कतना घण्टा नाची—गावी, तोही जशन मनैले।
 बिरनी के खोता में हुर्रो मारै वाला बोलै,
 अपनो करनी के फल अभियो पैले की नैं पैले।
 बचाव लेली शोर मचाबे, पापी पाकिस्तानी।
 डेढ़ दिनाँ में इमरानों तैं, बनलो छौ अभिमानी।
 साँपो के जब दूध पिलाना, समझी बड्डी घातक,
 युद्धो लेली बड़ी उतारू लागौ हिन्दुस्तानी।
 कटलौ काने इमरानों के, होलो छौ कनबुच्चो।
 सचमुच सभ्मे पाकिस्तानी, लागै छै लतकुच्चो॥
 रक्तबीज के वंशज छेके, नैं रखवे समझैलो।
 तो नैं बुझबे ठिकरी से भी, फूटै कोनो पैलो।

भारत से टकराबै वाला, तोरों छौ मनसूबा,
की देखी-देखी कें अखनी, लागै छें उमतैलों।
चीन-अमेरिका जे-जे रहै, तोरों दोस्त पुराना।
देखी कें बदनीयत तोरों, छोड़ौ अब समझाना।
आतंकी कें पोसै वाला जानी कें अब तोरा,
गोस्सा में ऊ शुरू करलकौ, तोरा अब गरियाना।
अपन्हें खातिर खोषै छें तों, सगरे खद्दा-खुच्चों।
सचमुच सब्भे पाकिस्तानी, लागै छें लतकुच्चों॥

◆◆◆

॥ नारी ॥

नारी सब जीवों में भोली, सबकुछ सहनें आबै छै।
जप-तप-व्रत करलें सब अपनों, पति के नाम लिखाबै छै॥
युद्ध जितलकै कैकेयी जब, देवासुर संग्रामों में।
श्रेय देलकै ई सब जोड़ी, राजा दशरथ कामों में॥
हे प्रियतम हमरों तन-मन-धन, सब्भे के तों अधिकारी।
युग-युग से चललें ऐलें छै, कहलाबै लोकाचारी॥
हमरों देहों पर जे सजलें, सबमें तोरों नामे छै।
हमरा लें तोरों घर-द्वारे, लागै बाबा धामे छै॥
देह-गात में लगलें हल्दी, भाल बिन्दिया चमकै छै।
हाथ-हथेली लगै मेंहदी, माथा गजरा गमकै छै॥
माँगों में सिन्दूर भरलका, देखी सब्भें जाने छै।
मंगलसूत्र गला में देखी, अहिवाती सब मानै छै॥
होठों से नथुनी अठखेली, बिदिया पाँव महावर छै॥
हाथें चूड़ी कंगन सबमें, तोरे नाम उजागर छै॥
हमरा नामों के गाड़ी के, लागै चक्का जामे छै।
हमरा तें तोरों घर-द्वारे, लागै बाबा धामे छै॥

गर्भाशय में बच्चा पाली, पूरा खून जराबै छी।
प्रसव-वेदना भोगी-भोगी, तइयो हम हरसाबै छी॥
जन्म दियै बच्चा कें हम्मै, बच्चा जीवन पावै छै।
बेटा ककरो जे भी पूछै, तोरो नाम बताबै छै॥
हमरा नामों करों नीचे, तोरों नाम जरूरी छै।
कोय कहाँ हमरा पहचानै, कहिनों ई मजबूरी छै॥
नेम प्लेट तोरा नामों के, देखै सौंसे गामे छै।
हमरा लें तोरों घर-द्वारे, लागै बाबा धामे छै॥

◆◆◆

॥ चिन्ता ॥

मौका पाबी ऐथों चिन्ता
जर्जर देह बनैथों चिन्ता
अइडी गाड़ी बैठी रहथों,
आबी कभी न जैथों चिन्ता।

झगड़ा-झंझट में जों पड़भें,
विष के घूँट पिलैथों चिन्ता।
देहों के सब खंभा-खुट्टा,
रोजे-रोज हिलैथों चिन्ता।

परिवारों कें बड़का बोझें,
तोरों खूब बढ़ैथों चिन्ता।
संतानों के बाल विवाहें,
जाबें कभी न देखों चिन्ता।

कर्जा में डूबी गेला पर,
बढ़िया मौत बतैथों चिन्ता
भल्लों बोली भल्लों कामें,
हीरा दूर भगैथों चिन्ता।

◆◆◆

॥ अगिका लें मरथैं छी ॥

अंग-अगिका लेली हममें,
रातो दिन तें मरथैं छी।
पर लोगों कें बढ़तें देखी,
भीतर-भीतर जरथैं छी॥
टँगड़ी पकड़ी घीची लेना,
हमरों काम अनोखा छै।
बोली हमरों बढ़िया लेकिन,
सब कामों में धोखा छै॥
जोरों सें बोली कें सबके,
बातों कें झुठलाबै छी
अपनों डफली, अपनो रागे,
हरदममें तें गाबै छी॥
राग अगर जें गड़बड़ होल्हों,
नैं तइयो शरमाबै छी।
अपनों करनी झाँपी-पोती,
लोगों कें भरमाबै छी॥
सब सें बढ़लें हममें एगो,
ई हो तें दम भरथैं छी।
पर लोगों कें बढ़तें देखी,
भीतर-भीतर जरथैं छी॥

◆◆◆

॥ सदा हँसैलों श्रोता कें ॥

गम पीबी कें सदा हँसैलों श्रोता कें।
दर्द दिलों कें कहाँ दिखैलों श्रोता कें।
ऐतें-जैतें गजल सुनैलें चाही कें,
जीयै के कुछ पता बतैलों श्रोता कें।
जीवन जीना बडा कला छै दुनिया में,
झुक्कै के कुछ अदा सिखैलों श्रोता कें।
श्रोता के गम के बातें कें बोली कें,
भाव टटोलें अला अलगैलों श्रोता कें।
आयोजक के दशा-दिशा शोधी 'हीरा',
जाँचै खातिर तुला बनैलों श्रोता कें।

◆◆◆

॥ हितैषी पर भरोसा ॥

गजलकारें बनैतै दोसरों दुनिया जहानों में।
तभी तें फेंक पत्थर छेद करतै असमानों में।
अरे पर्यावरण खातिर लगाना पेड़ आवश्यक,
लगावों चार महलों पर हरा पौधा मकानों में।
हितैषी पर भरोसा नैं रखों उलझन अगर कोनों,
जहर डलवाय छै पैसा बलों पर आय पानों में।
मुसीबत के घड़ी पहचान वाला आदमी मिलथों,
मिटै संकट टलै तकलीफ आबै जान जानों में।
चलै में राह बहरापन सदा घातक लगै 'हीरा',
सुरक्षा लें मशीनों के करों उपयोग कानों में।

◆◆◆

॥ प्रकृति गीत ॥

प्रकृति आगू चलतै ककरो बस-गुमान भैया।
 कहीं उबाबै कहीं डुबाबै धरती चारो दीश।
 कहीं पें जारै कहीं पें मारै झाड़ै पूरा खीश।
 कहीं उजाड़ै धरबा तूफान भइया॥ प्रकृति...
 उमड़ै सागर पानी बीचें केतना गाँव समाय।
 धन-जन आरो माल मवेशी, केतना भसलें जाय॥
 बाढ़ें लै छै सब्भै के जान भइया॥ प्रकृति...
 धरती डोलै तखनी घर-घर, सगरे मातम छाय।
 उच्चो-उच्चो महल-अटारी, झलकै धाराशाय।
 जेकरों कहाँ कहियो अनुमान भइया॥ प्रकृति...
 उनका उनकै वर्षा धरियाँ, कहियो लू बरसाय।
 धरती पर के जीव-जन्तु सब, ठाहें करै सझाय॥
 दै लै कहाँ जानै जीवन-दान भइया॥ प्रकृति...
 माहामारी गामें-गामें दै जखनी फैलाय।
 जवान-बूढा, बच्चा-बुतरू लै गोदी बोलाय।
 करै छै कर्ते धरबा, सुनसान भइया॥ प्रकृति...
 कोरोना के आगे जललें छै पूरा संसार।
 हाथ-पैर कतनों भी मारै नैं कोय पाबै पार।
 जकरों चर्चा पूरा जहान भइया॥ प्रकृति...
 मारै या की जिलाबै सब्भें ओकरे छेकै काम।
 प्रकृति छेकै धरती पर के, भगवानों के नाम।
 डरें करै छी हम्हूँ गुणगान भइया। प्रकृति...



हीरा प्रसाद 'हरेन्द्र' : एक परिचय

जन्म : 06/09/1950, कटहरा, सुलतानगंज, (भागलपुर)

सम्मान/पुरस्कार/उपाधि:

1. डॉ० अम्बेदकर फेलोशिप, राष्ट्रीय सम्मान (05/12/2001)
(दलित साहित्य अकादमी, दिल्ली)
2. खूब लाल महतो स्मृति पुरस्कार (उत्तंग हमरों अंग लेली)
(अ० भा० अंगिका साहित्य कला मंच) (09/06/2001)
3. जगदीश पाठक मधुकर- कुल विभाकर (05/05/2002)
(समय साहित्य सम्मेलन, पुनसिया, बाँका)
4. इन्दिरा देवी स्मृति सम्मान (12/08/2003) (बरियारपुर, मुंगेर)
5. जनार्दन बाबू रजत स्मृति सम्मान (08-09/11/2003)
(अ० भा० अंगिका साहित्य कला मंच, खगड़िया)
6. पंडित गोपी नाथ तिवारी पुरस्कार (25/12/2005)
जाहनवी अंगिका संस्कृति संस्थान, पटना
7. सरला स्मृति साहित्यकार सम्मान (अंगप्रिया के सफल सम्पादन लेली)
जानकीपुर पबई (बाँका) (09/12/2007)
8. गोपाल प्रसाद सिंह सेवा निवृत्त प्र० अ० स्मृति सम्मान
(बाबा दूबे भयहरण स्थान सलेमपुर, अमरपुर (बाँका) 8 मार्च 2008)
9. भारतेन्दु हरिश्चन्द्र रजत स्मृति सम्मान ('ठकहरा' लेली) (15/06/2008)
(हिन्दी भाषा साहित्य परिषद, खगड़िया)
10. पंडित जगदीश पाठक मधुकर, काव्य साहित्य साधना स्मृति सम्मान
(भागलपुर प्रमण्डलीय अ० भारतीय भाषा साहित्य सम्मेलन)
11. स्व० वैकुण्ठ विहारी स्मृति सम्मान (तारापुर, मुंगेर)
12. राहुल सांकृत्यायण स्मृति सम्मान (21 फरवरी 2010)
अन्तर्राज्य सदभावना बहु-भाषी काव्योत्सव, उधाडीह, भागलपुर
13. आदिकवि सरहपा स्मृति सम्मान (11 अप्रैल 2010)
अ.भा. अंगिका साहित्य कला मंच सरहपापुरम्, कहलगाँव
14. जय प्रकाश मोदी स्मृति सम्मान (14 मार्च 2011)
कवि रत्न (विक्रमशिला हिन्दी विद्यापीठ)
15. हास्य शिरोमणि सम्मान। 9.5.13 महादेवपुर (अमरपुर) बाँका।
16. भगीरथ बाबा अंग साहित्य सम्मान। 01.02.2014,
अखिल भारतीय अंगिका साहित्य विकास समिति
17. माहताब अली रजत स्मृति सम्मान। 09.03.2014
भावांजलि लेली, हिन्दी भाषा साहित्य परिषद खगड़िया।
18. उमानाथ पाठक स्मृति सम्मान। 30.03.2014
अजगवी नाथ साहित्य मंच, सुलतानगंज

19. गौतम बुद्ध राष्ट्रीय सम्मान 2019
राजगीर महोत्सव, राजगीर (बिहार)
20. तिलका मांझी राष्ट्रीय सम्मान 2019
अंग मदद फ़ाउण्डेशन, तुलसी मिश्र लेन (चंपानगर)
 1. कवि रत्न (विक्रमशिला हिन्दी विद्यापीठ)
 2. अंग श्री (अ0 भा0 भाषा साहित्य सम्मेलन प्रमंडलीय शाखा, भागलपुर)
 3. अंग श्री (क्षेत्रीय सर्वभाषा कवि सम्मेलन, खड़िया, मुंगेर)
 4. साहित्य श्री (अ0 भा0 भाषा साहित्य सम्मेलन, भोपाल)
 5. साहित्य रत्न (मंगनी लाल स्मृति ट्रस्ट, बौंसी, बाँका)
 6. अंग शिरोमणि (राज्य स्तरीय सर्व भाषा सद्भावना काव्योत्सव, उधाडीह, भागलपुर)
 7. कवि शिरोमणि (विक्रमशिला हिन्दी विद्यापीठ, गाँधीनगर, ईशीपुर, भागलपुर)
 8. पंचशील शिरोमणि (पंचशील चैरिटेबुल सोसायटी, 25/4 कड़कड़ दुम्म एरिया, सेंट्रल बैंक के ऊपर, नई दिल्ली 110 092-भारत)
 9. अंग-पतंग (अ0भा0 अंगिका साहित्य सम्मेलन, जिला शाखा-भागलपुर)
 10. अंगिका सपूत (अ0भा0 अंगिका साहित्य कला मंच प्रखण्ड शाखा-शंभुगंज)
 11. महाकवि- (विक्रमशिला हिन्दी विद्या पीठ)
 12. अंग सपूत (23/10/2016)
सर्वांगीण विकास परिषद् झारखण्ड राज्यान्तर्गत के0 का0 ऊर्जा नगर, महागामा
13. साहित्य रत्न 26 जनवरी 2020
क्रांतिशील बुद्धिजीवी साहित्यमंच बरियारपुर (मुंगेर)
प्रशस्ति (ढेर साहित्यिक संस्था द्वारा)
देश-विदेश के स्तरीय पत्रिका में रचना प्रकाशित आरु आकाशवाणी भागलपुर तथा दूरदर्शन पटना से अंगिका आरु हिन्दी रचना संप्रसारित शैली-विसंगति में हास्य खोजी के व्यंग्य प्रहार करना।
महामंत्री- अखिल भारतीय अंगिका साहित्य कला मंच।
सम्प्रति-सम्पादक- मंजिल / अंगप्रिया/देवायतन
सम्पर्क - ग्राम+पो0-कटहरा, सुलतानगंज (भागलपुर)-813213
मो0-9931854246